

Broj: 01-7164-34/22
Dana, 08.08.2023. godine

Na osnovu člana 31. Statuta Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14), donosim sljedeću

ODLUKU O IZBORU NAJPOVOLJNIJIH PONUDA
(drugi izbor za Lot 5 i Lot 13)

I

Na osnovu Prijedloga Komisije za provođenje otvorenog postupka sa međunarodnom objavom, koji je objavljen na Portalu javnih nabavki broj: 1255-1-1-471-3-370/22 od 01.08.2022. godine donio sam odluku da se kao najpovoljnije ponude u postupku nabavke **potrošnog materijala za potrebe Zavoda za kliničku radiologiju** izaberu ponude ponuđača za lotove kako slijedi:

„DERBY TRADE“ d.o.o. Brčko, ul. Jovana Dučića br. 1

Lot 5:	Zaštitna sredstva u radiologiji	38.413,44 KM sa PDV-om
--------	---------------------------------	------------------------

„MARK MEDICAL“ d.o.o. Sarajevo, Ul. Radenka Abazovića 5

Lot 13:	Potrošni materijal za Urlich CT motion injector	88.335,00 KM sa PDV-om
---------	---	------------------------

II

Ovom Odlukom stavlja se van snage Odluka o izboru najpovoljnijih ponuda broj: 01-7164-13/22 od 08.03.2023. godine, u dijelu za Lot 5 i Lot 13.

III

Za sprovođenje ove Odluke zadužuje se Služba za javne nabavke i praćenje realizacije ugovora.

O izvršenju ove Odluke odgovorna lica su obavezna da redovno informišu generalnog direktora.

Obrazloženje:

Nakon provedenog prvobitnog postupka pregleda i ocjene ponuda, utvrđeno je da je, po objavljenom otvorenom postupku sa međunarodnom objavom za nabavku potrošnog materijala za potrebe Zavoda za kliničku radiologiju, ponuđač „SHIMADZU“ d.o.o. Sarajevo dostavio najpovoljniju ponudu u dijelu za lot 5, a da je ponuđač „STEPMED“ d.o.o. Banja Luka dostavio najpovoljniju ponudu u dijelu za lot 13 te su Odlukom o izboru najpovoljnijih ponude broj: 01-7164-13/22 od 08.03.2023. godine izabrani kao najpovoljniji za navedene lotove.

Nakon obavještanja ponuđača o rezultatima postupka i dostavljanja Odluke o izboru najpovoljnijih ponuda broj: 01-7164-13/22 od 08.03.2023. godine svim učesnicima u postupku nabavke, ponuđač „Krajinagroup“ d.o.o. Banja Luka je nakon izvršenog uvida u ponude dostavio Žalbu broj: 562/23 od 16.03.2023. godine, izjavljenu na Odluku o izboru najpovoljnijih ponuda broj: 01-7164-13/22 od 08.03.2023. godine u dijelu za lot 5.

Takođe, ponuđač „Mark Medical“ d.o.o. Sarajevo je nakon izvršenog uvida u ponude dostavio Žalbu broj: 184/23 od 17.03.2023. godine, izjavljenu na Odluku o izboru najpovoljnijih ponuda broj: 01-7164-13/22 od 08.03.2023. godine u dijelu za lot 13.

Rješavajući po žalbi ponuđača „Krajinagroup“ d.o.o. Banja Luka Ugovorni organ je utvrdio da je žalba djelimično osnovana.

Razmatrajući žalbene navode iz predmetne žalbe koji se tiču dostavljenog kataloga izabranog ponuđača za lot 5 „Shimadzu“ d.o.o. Sarajevo i usklađenosti ponuđene robe sa sa zahtjevima iz tehničke specifikacije, ugovorni organ je odlučio da je iste potrebno usvojiti kao osnovane.

Vežano za navode žalioaca koji se odnose na kataloge dostavljene od strane izabranog ponuđača, ugovorni organ je uvidom u spis predmeta utvrdio:

Tačkom 8.2.1 tenderske dokumentacije, Sadržaj ponude, između ostalog zahtijevano je: „Ponuđač je dužan, odmah, uz ponudu dostaviti kataloge proizvođača ponuđene robe i/ili tehnički fajl i/ili izvod iz proizvođačkog uputstva za upotrebu i/ili originalnu izjavu proizvođača, kojima se dokazuje ispunjavanje uslova, odnosno posjedovanje svih tehničkih karakteristika traženih tehničkom specifikacijom.

Napomena: Na katalogu kao i na tehničkoj dokumentaciji ponuđene robe ponuđači su dužni označiti karakteristiku traženu tehničkom specifikacijom.“

Prilikom razmatranja žalbenih navoda, ponovnim uvidom u ponudu ponuđača „Shimadzu“ d.o.o. Sarajevo, ugovorni organ je utvrdio da je ponuđač na stranama 51-63 dostavio kataloški materijal proizvođača ponuđene robe Medical index- Njemačka.

Ugovorni organ je tehničkom specifikacijom za stavke 1-5 zahtijevao sledeće: „Zaštitna kecelja od gumiranog olova, jednostrana bez preklopa ekvivalent najmanje 0,5 mm Pb“. Po stavkama je navedeno da se odnose na muške kecelje, veličine M, L, XL, i ženske S i M.

Za stavke od 6 do 11 u tehničkoj specifikaciji naveden je sledeći opis: „Zaštitna kecelja od gumiranog olova sa preklopom ekvivalent najmanje 0,5 mm Pb“. Po stavkama su navedene veličine M, L, XL, kao i da se odnose na muške i ženske kecelje.

Na osnovu ponovnog uvida u dostavljeni katalog (strane 53-58), a u svetlu istaknutih žalbenih navoda za stavke 1-5 i Stavke 6-11 ugovorni organ konstatuje sljedeće:

Nisu adekvatno označene pojedinačne stavke i tražene karakteristike u katalogu. Veličine su definisane na osnovu dužine i obima kukova (strana 55), nisu odvojene muške i ženske kecelje.

Tražena je kecelja od gumiranog olova, ponuđene kecelje od PVC-a, obične ili sa mrežastom tkaninom (strana 55), što nije u skladu sa zahtjevom.

Stavka 12-13 tehničke specifikacije:

Nisu ponuđene muške i ženske naočale, što nije u skladu sa zahtjevom.

Stavke 15-16 nisu obilježene u katalogu.

Stavke 18-19

Nisu adekvatno označene pojedinačne stavke

Rukom su dopisane koje su veličine za djecu, ali je to vidljivo i iz dimenzija koje su navedene u katalogu.

Prema pravilima i dobroj praksi javne nabavke, pri provođenju postupka javne nabavke, svi ponuđači su dužni da odgovore zahtjevima iz tenderske dokumentacije i dostave ponudu onako kako je to traženo tenderskom dokumentacijom.

U odnosu na prednje izneseno činjenično stanje, prilikom ponovnog pregleda ponude, polazeći od istaknutih žalbenih navoda vezanih za katalog izabranog ponuđača „Shimadzu“ d.o.o. Sarajevo ugovorni organ je utvrdio da je iste potrebno usvojiti kao osnovane, jer izabrani ponuđač nije potvrdio ispunjenost svih zahtjeva iz tenderske dokumentacije na način kako je to traženo.

Rješavajući po žalbi ponuđača „Mark Medical“ d.o.o. Sarajevo Ugovorni organ je utvrdio da je žalba osnovana.

Razmatrajući žalbene navode koji se tiču ponuđene stavke 1 iz Lota 13 iz ponude izabranog ponuđača „Stepmed“ d.o.o. Banja Luka i usklađenosti ponuđene robe sa zahtjevima iz tehničke specifikacije, ugovorni organ je u svjetlu istaknutih žalbenih navoda uvidom u spis predmeta utvrdio:

Ponuđač „Stepmed“ d.o.o. Banja Luka je za Lot 13, stavku 1, ponudio medicinsko sredstvo proizvođača Shenzhen Antmed Co. Ltd Kina koje je registrovano kod Agencije za lijekove i medicinska sredstva BiH. Naime, u Aneksu 11 u polje „Br. Potvrde ALMBIH o upisu med. sredstava u Registar med.“ u ponudi ponuđača „STEPMED“ d.o.o. su upisani brojevi Potvrda (06-07.4-1-1878-2/18 i 06-07.4-3-10627-1/18) u kojima su navedena medicinska sredstva sa zaštićenim nazivom „Pressure Connecting Tube“ i kataloškim brojevima, te su samim time medicinska sredstva s ovih Potvrda predmetom ponude.

Medicinsko sredstvo s nazivom „Pressure Connecting Tube, s kataloškim brojem 800101 je na zvaničnoj stranici proizvođača Shenzhen Antmed Co. Ltd Kina (<http://www.antmed.com/en/productlist.php?ParentID=1&SortID=6>), opisano kao „Injection tube system with double drip chamber“, a šematski prikaz istog se u potpunosti razlikuje od šematskog prikaza iz kataloga koji je dostavljen na stranici 64. ponude ponuđača „STEPMED“ d.o.o. Banja Luka

Dakle, ponuđač „Stepmed“ d.o.o. Banja Luka je za Lot 13, stavku 1, ponudio medicinsko sredstvo „Pressure Connecting Tube“ s kataloškim brojem 800101, te za isto dostavio Potvrdu o upisu u Registar medicinskih sredstava. Međutim, na stranici 64. svoje ponude ponuđač je dostavio katalog/brošuru za „CT pumping tube - -,+“ type“ s istim kataloškim brojem.

Iako šematski nacrt medicinskog sredstva iz dostavljenog kataloga naizgled odgovara tehničkoj specifikaciji, problem je što medicinsko sredstvo iz kataloga nije predmetom ponude. Stvar je u tome što nijedno od tih medicinskih sredstava „Pressure Connection Tube“ iz Potvrde o upisu u Registar medicinskih sredstava (06-07.4-1-1878-2/18 i 06-07.4-3-10627-1/18) ne odgovara tehničkoj specifikaciji za Lot 13. stavka 1.

Tehničkom specifikacijom (Aneks 11 tenderske dokumentacije) za Lot 13. stavka 1. traženo je:

„Lot 13– Potrošni materijal za Ulrich CT motion injektor

Stavka 1. - Crijevo za rotacionu valjkastu pumpu, sterilno, namijenjeno za 24 satnu upotrebu. S ulazne strane crijevo treba da ima tri kraka sa šiljcima sa integrisanim zračnim filterima i zaštitnim kapicama na šiljcima, od toga dva bočna kraka su za boce s kontrastnim sredstvima, a srednji za fiziološki rastvor. Crijevo također treba da ima jedinicu za monitoring pritiska, filter za mikročestice, te izlaz sa Luer lock priključkom i zaštitnom kapicom. Kompatibilno sa injektorom za CT kontrastna sredstva Ulrich CT Motion.“

Kako smo, na osnovu dostavljenih potvrda o upisu medicinskog sredstva u registar medicinskih sredstava konstatovali da je ponuđač „Stepmed“ d.o.o. Banja Luka za Lot 13, stavku 1, ponudio medicinsko sredstvo „Pressure Connecting Tube“ s kataloškim brojem 800101 izvršen je uvid na zvaničnoj stranici proizvođača <https://antmed.com/en/productlist.php?ParentID=1&SortID=6>, posjećenoj 22.03.2023. godine gdje je konstatovano da pod kataloškim brojem 800101 se nalazi šematski nacrt Injection tube system

with double drip chamber koji se bitno razlikuje od dostavljenog u ponudi (na stranici 64.) sa istim kataloškim brojem 800101 i koji na stranici proizvođača ne odgovara traženom (posjeduje dva umjesto tražena tri šiljka, nema jedinicu za monitoring pritiska, ni filter).

U odnosu na prednje izneseno činjenično stanje, prilikom ponovnog pregleda ponude, polazeći od istaknutih žalbenih navoda vezanih za ponuđenu stavku 1 iz Lota 13 izabranog ponuđača „Stepmed“ d.o.o. Banja Luka ugovorni organ je utvrdio da je iste potrebno usvojiti kao osnovane.

S obzirom da je nakon razmatranja predmetnih žalbi, ugovorni organ obe žalbe ocijenio kao **osnovane**, po pravosnažnosti donesenih odluka po žalbama, ugovorni organ je pristupio daljnjim radnjama u postupku u skladu sa donesenim odlukama po žalbama, odnosno pristupio je ponovnom pregledu i analizi svih ponuda u dijelu za lot 5 i lot 13, a na osnovu kojih će donijeti odgovarajuću Odluku o rezultatima postupka nabavke u dijelu za naprijed navedene lotove.

Nakon rješavanja predmetnih žalbi, u skladu sa usvojenim žalbenim navodima, a na osnovu rezultata ponovnog pregleda i ocjene ponuda svih ponuda u dijelu za lot 5 i lot 13, utvrđeno je da su ponude naprijed navedenih ponuđača za izabrane lotove prihvatljive i sačinjene u skladu sa uslovima iz tenderske dokumentacije i na osnovu utvrđenog kriterijuma – ekonomski najpovoljnija ponuda (na bazi podkriterija cijena – 80% i rok isporuke – 20%), ocijenjene kao najpovoljnije, od ukupno pet pristiglih ponuda za lot 5 i dvije pristigle ponude za lot 13 u postupku nabavke **potrošnog materijala za potrebe Zavoda za kliničku radiologiju, putem otvorenog postupka sa međunarodnom objavom**, te je odlučeno kao u dispozitivu Odluke.

Detaljno obrazloženje sa ponovnom analizom i ocjenom pristiglih ponuda nalazi se u Zapisniku o ponovnom pregledu i ocjeni ponuda, koji Vam dostavljamo u prilogu Odluke i čini njen sastavni dio.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili je mogla da bude u konkretnom postupku javne nabavke prouzrokovana šteta zbog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se podnosi ugovornom organu, u pisanoj formi u roku od **deset dana** od prijema pisane Odluke o izboru najpovoljnijih ponuđača na način predviđen članom 99. Zakona o javnim nabavkama BiH.

Žalba uložena u prethodno navedenom roku sprečava naručioca da zaključi ugovor o nabavci roba sa najpovoljnijim ponuđačem.

DOSTAVLJENO:

1. Svim učesnicima
2. SI. za JN i praćenje realizacije ugovora
3. Arhiva.

GENERALI DIREKTOR,
Prof. dr/sc. med. Vlado Đajić

